

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10), Vlada Zeničko-dobojskog kantona, na prijedlog Ministarstva za privredu, na nastavku 111. sjednice, održanom 24.05.2013. godine, d o n o s i

ZAKLJUČAK

I.

Prihvata se Informacija o koncesijama na području Zeničko-dobojskog kantona za 2012. godinu, koju je izradilo Ministarstvo za privredu Zeničko-dobojskog kantona.

II.

Informacija iz tačke I. ovog zaključka upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____/13
Datum, 24.05.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Stručna služba Skupštine,
1x Ministarstvo za privredu,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON

MINISTARSTVO ZA PRIVREDU/GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON

MINISTRY OF ECONOMY

**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2012. GODINU**

Z e n i c a, maj 2013. godine

INFORMACIJA O KONCESIJAMA NA PODRUČJU ZENIČKO-DOBOJSKOG KANTONA ZA 2012. GODINU

UVOD

1. DODIJELJENE KONCESIJE DO 2012. GODINE

- 1.1. Dodijeljene koncesije na istraživanje i eksploataciju čvrstih mineralnih resursa
- 1.2. Prihodi i rashodi od koncesionih naknada do 31.12.2012. godine
- 1.3. Projekti podržani sredstvima od koncesija do 31.12.2012. godine

2. DODJELA KONCESIJA U 2012. GODINI

- 2.1. Dodjeljene koncesije na istraživanje i eksploataciju čvrstih mineralnih resursa
- 2.2. Koncesije koje su pred potpisivanjem ugovora
- 2.3. Koncesije u postupku

3. KONCESIONA NAKNADA I EKSPLOATISANE KOLIČINE ČVRSTIH MINERALNIH RESURSA U 2012. GODINI

4. PRIHODI OSTVARENI OD KONCESIONIH NAKNADA U 2012. GODINI

5. RASHODI IZ KONCESIONE NAKNADE U 2012. GODINI

- 5.1. Odobreni projekti
- 5.2. Realizirani projekti
- 5.3. Alocirana sredstva od koncesione naknade prema općinama u 2012. godini

6. REZIME

7. ZAKLJUČAK

UVOD

U skladu sa Programom rada Vlade i Skupštine Zeničko-dobojskog kantona za 2013.godinu, Ministarstvo za privredu je sačinilo Informaciju o koncesijama na području Zeničko-dobojskog kantona za 2012. godinu.

Oblast koncesija uređena je slijedećim zakonima:

- Zakonom o koncesijama Bosne i Hercegovine («Službeni glasnik Bosne i Hercegovine», broj: 32/02),
- Zakonom o koncesijama Federacije Bosne i Hercegovine («Službene novine Federacije Bosne i Hercegovine», broj: 40/02) ,
- Zakonom o koncesijama Zeničko-dobojskog kantona («Službene novine Zeničko-dobojskog kantona», broj: 05/03),
- Zakonom o geološkim istraživanjima Zeničko-dobojskog kantona („Službene novine Zeničko-dobojskog kantona“, broj:8/12)
- Zakonom o rudarstvu Zeničko-dobojskog kantona („Službene novine Zeničko-dobojskog kantona“, broj:10/12)
- Zakonom o dopunama Zakona o koncesijama („Službene novine Federacije BiH“, broj:61/06);
- Pravilima o postupku dodjele koncesije („Službene novine Federacije BiH“, broj:68/06);

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
 - energetske mineralne sirovine (ugalj, sirova nafta, zemni gas i dr.),
 - metalnih i nemetalnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljekovitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/li korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdjevanje gradova i naselja,
11. snabdjevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva za privredu su sljedeći predmeti koncesija:

- energetske mineralne sirovine (ugalj, sirova nafta, zemni gas i dr.);
- metalne i nemetalne mineralne sirovine iz primarnih i sekundarnih ležišta;
- hoteli i ostali turistički objekti;
- snabdjevanje toplotnom energijom i zemnim gasom gradova i naselja;

Kao rezultat gore navedenih ovlasti i zakonom definisanih obaveza, Ministarstvo za privredu Zeničko-dobojskog kantona je pokrenulo i realiziralo niz aktivnosti vezanih za dodjelu koncesija na istraživanje i eksploataciju čvrstih mineralnih resursa .

U nastavku Informacije dat je pregled do sada dodijeljenih koncesija do 2012. godine, a posebno u 2012. godini, sa finansijskim tokova i programa aktivnosti.

Koncesionari su u 2012. godini funkcionisali u ambijentu opterećenom globalnom ekonomskom krizom, te smanjenom potražnjom za mineralnim resursima. Međutim, bitno je pomenuti nastavak izgradnje autoputa na koridoru V-c, odnosno trase koja prolazi kroz područje Zeničko-dobojskog

kantona, što bi trebalo imati za posljedicu povećanja proizvodnje agregata krečnjaka kod privrednih subjekta koji su bliže samoj lokaciji gradnje. Ove činjenice bi trebale u znatnoj mjeri uticati na poslovni rezultat koncesionara, kao i na ukupan prihod od koncesionih naknada.

1. DODIJELJENE KONCESIJE DO 2012. GODINE

1.1. Dodijeljene koncesije na istraživanje i eksploataciju čvrstih mineralnih resursa

Shodno Zakonu o koncesijama, više domaćih i stranih investitora je izrazilo želju za dodjelu koncesija na čvrste mineralne resurse, kako metalne tako i nemetalne sirovine. To su većinom bili samoinicijativni zahtjevi i odnosili su se na istraživanje i eksploataciju mineralnih resursa, uglavnom krečnjaka, dijabaza, fliša, dolomita, spilita, glina, lapora, rožnaca, gabra i td., te na istraživanje i eksploataciju metalnih mineralnih sirovina olova, cinka, barita, dodjelu koncesije za vjetroelektrane, te istraživanje i eksploataciju uglja.

Kako postupak kod dodjele koncesije obuhvata dobijanje niza stručnih mišljenja i saglasnosti, te obavezno raspisivanje Javnih poziva gdje potencijalni investitor nije vlasnik zemljišta na kojem traži koncesiju, proces do potpisivanja ugovora o koncesiji je relativno dug, s tim da je postupak kod dodjele koncesije na lokalitet koji je vlasništvo podnosioca zahtjeva dosta kraći. Naime, iako je ista procedura kod dodjele koncesija na lokalitet koji je vlasništvo podnosioca zahtjeva, u ovom slučaju se ne raspisuje javni poziv, te samim tim je vrijeme potrebno do potpisivanja koncesionog ugovora kraće.

Ministarstvo pokušava određenim modifikacijama, a sve u duhu Zakona o koncesijama, („Službene novine Zeničko-dobojskog kantona“, broj:5/03) svakodnevno, taj postupak ubrzati i olakšati. Na ovaj način se želi uticati na brzinu i kvalitet razvoja privrede Kantona, zapošljavanje i privlačenje domaćih i stranih ulagača. Ministarstvo za privredu je mišljenja da je ovo jedna od formula izlaska iz trenutnog privrednog zastoja kako Kantona, tako i Federacije i cijele BiH.

Zaključno sa 31.12.2012. godine, potpisano je 20. ugovora o koncesiji za istraživanje i eksploataciju čvrstih mineralnih resursa – krečnjaka, krečnjačkih lapora, gline, kvarcnog pijeska, spilita, dolomita, gabra i dijabaza. Bitno je pomenuti da je još jedan privredni subjekat u završnoj fazi dodjele koncesije („ŽGP“ d.d. Zenica), a dva predmeta dodjele koncesije su u proceduri (ležište mrkog uglja „Brezove Dane“ kod Maglaja, ležište ceruzita „Kruševo“ kod Olova). Takođe, bitno je pomeniti činjenicu da je u dva slučaja došlo do prenosa koncesionog prava sa jednog privrednog subjekta na drugi („Bosnaputevi“ d.d. prenos na „Amina-Trade“ d.o.o. Sarajevo i „Proton“ d.o.o. Žepče prenos na „Dim-Kamenolom“ d.o.o. Žepče)

Znatno usporen proces dodjele koncesija je posljedica pravne praznine nastale usljed nedonošenja Zakona o šumama.

Pregled privrednih subjekata – koncesionara sa kojima su potpisani ugovori o dodjeli koncesije za istraživanje i eksploataciju mineralnih resursa do 2012.godine sa osnovnim podacima dat je u tabeli 1.

Tabela 1. Pregled koncesionara sa potpisanim koncesionim ugovorom za istraživanje i eksploataciju čvrstih mineralnih resursa do 31.12.2011. godine.

R. br.	KONCESIONAR - SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1.	2.	3.	4.	5.
1.	„TVORNICA CEMENTA “KAKANJ” d.d. Kakanj	Greben – Kakanj	Istraživanje i eksploatacija laporca	KC 001/2000 12.09.2000.
		r. Ribnica – (desna obala) Kakanj		
		r. Ribnica – (lijeva obala) Kakanj	Istraživanje i eksploatacija krečnjaka	
2.	„IGM“ d.d. Visoko	Golo brdo - Visoko	Istraživanje i eksploatacija opekarske gline	KC 002/2001 30.01.2001.
3.	„KRIVAJA - GRADNJA“ d.o.o. Zavidovići	Sokolica Zavidovići	Istraživanje i eksploatacija krečnjaka	KC 004/01 22.05.2001.
4.	„E&P“ d.o.o. Zavidovići	Ribnica - Zavidovići	Istraživanje i eksploatacija dijabaza	KC 005/01 23.10.2001.
5.	„RUDNIK KREČNJAKA “BREZA” d.o.o. Breza	Nedići - Breza	Istraživanje krečnjaka	KC 006/02 19.04.2002.
			Eksploatacija krečnjaka	KC 11/03 01.10.2003.
6.	„BBM-AMFIBOLIT“ d.o.o. Vareš	Stijene - Vareš	Istraživanje i eksploatacija krečnjaka	KC 08/02 17.05.2002. Anex I 09.09.2002.
		Kota - Vareš	Istraživanje i eksploatacija krečnjaka i spilita	KC 08/02 17.05.2002. Anex I 09.09.2002.
7.	„TRGOŠPED“ d.o.o. Kakanj	Borovačka stijena – Kakanj	Istraživanje i eksploatacija krečnjaka	KC 009/03 01.10.2003.
8.	„BOSNAPUTEVI“ d.d. Sarajevo	Paska Luka – Olovo	Istraživanje i eksploatacija krečnjaka	KC 13/003 15.03.2004.
9.	„JAŠAREVIĆ KOP“ d.o.o. Tešanj	Krtović-Kalošević	Istraživanje i eksploatacija krečnjaka	KC 19/06 15.09.2006.
10.	„BREZA DOM“ d.o.o. Sarajevo	Krivodol - Morača – Župča - Breza	Istraživanje i eksploatacija krečnjaka	KC 17/05 od 25.04.2005.
11.	„SANEX“ d.o.o. Breza	„Nezirov Gaj“ Breza	Istraživanje i eksploatacija pijeska	KC 20/2007 23.04.2007.

1.	2.	3.	4.	5.
12.	„CESTING“ d.o.o. Žepče	„Papratnica“ Žepče	Istraživanje i eksploatacija dijabaza	04-18-23400/08 16.09.2008. Koncesija prenešena sa „NBI Čurić“ Broj:04-18-23400-1/08 od 19.10.2009. god.
13.	„PROTON“ d.o.o. Žepče	„Ograjna“ Žepče	Istraživanje i eksploatacija dijabaza	04-18-11834/08 16.09.2008.
14.	„GREENSTONE“ d.o.o. Maglaj	„Donji Rakovac“ Maglaj	Istraživanje i eksploatacija dijabaza	04-18-7132-12/08 31.10.2008. Ugovor raskinut:
15.	„LIBOS“ d.o.o. Begov Han-Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009. Trajanje 20. godina
16.	„HAJDIĆ“ d.o.o. Maglaj	Kosova-Maglaj	Istraživanje i eksploatacija krečnjaka	04-18-28423/11 11.03.2011. Trajanje 20. godina
17.	„CESTING“ d.o.o. Žepče	Papratnica-Žepče	Istraživanje i eksploatacija dijabaza	04-18-23400/09 19.10.2009. Trajanje 20. godina
18.	JP Elektroprivreda „Rudnik mrkog uglja Zenica“ d.o.o. Zenica	Mošćanica	Istraživanje i eksploatacija krečnjaka	04-18-12111-1/10 21.09.2010. Trajanje 30. godina
19.	„LIBOS“ d.o.o. Begov Han-Žepče	„Krmance“-Begov Han	Istraživanje i eksploatacija dijabaza	04-18-7660-1/11 18.04.2011. Trajanje 25. godina
20.	„Almy-Transport“ d.o.o. Zenica	„Bistričak-Nemila“	Istraživanje i eksploatacija fliša i rožnaca	04-18-4620-1/11 25.03.2011. Trajanje 10. godina

1.2.Prihodi i rashodi od koncesionih naknada do 31.12.2011. godine

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali u određenom vremenskom periodu, a prema cijeni koja je definisana koncesionim ugovorom. Međutim, privredni subjekti koji nisu iz određenih poteškoća uspjeli eksploatisati niti minimalnu količinu koja je definisana koncesionim ugovorom- dužni su platiti koncesionu naknadu minimalno eksploatisanih količina i po cijeni koja je definisana u koncesionom ugovoru.

Tokom perioda 2005.-2011. godina od koncesionih naknada ostvareni su prihodi i rashodi, koji su prikazani u tabeli 2.

Tabela 2. Prihodi i rashodi od koncesija od 2005. god. do 2011. godine

1	UKUPNI		2005.	2006.	2007.	2008.	2009.	2010.	2011.	UKUPNO
		PRIHODI /KM/	854.641,52	745.629,30	1.152.071,92	1.107.742,20	931.150,70	708.388,43	874.755,33	6.374.379,40
2	RASHODI /KM/	OPĆINE	427.320,76	372.814,65	576.035,96	592.749,21	471.401,99	498.129,40	612.328,73	3.550.780,70
		ZEDOKANTON	0,00	0,00	0,00	330.000,00	459.748,71	210.259,03	262.426,59	1.262.434,00

Alokacija prihoda od koncesione naknade u predhodnom vremenu je vršena prema Odluci Vlade Kantona, broj: 02-14-27967/09 od 28.10.2009. godine. Ovom odlukom, dio od 70% prikupljenih sredstava pripada općinama na čijoj teritoriji se vrši eksploatacija i 30% Kantonu. Upravljanje prikupljenim sredstvima obavljali su Vlada Kantona i općine prema vlastitim programima utroška za svaku godinu.

U sljedećoj tabeli dat je pregled alokacije sredstava po općinama.

Tabela 3. Alokacija sredstava po općinama u periodu 31.12.2005. god. do 31.12.2011. godine /u KM/

R b r.	OPĆINE	GODINE ALOKACIJE SREDSTAVA PO OPĆINAMA							UKUPNO
		2005.	2006.	2007.	2008.	2009.	2010.	2011.	
1.	BREZA	46.418,30	19.914,00	27.707,0	50.581,06	34.168,60	0,00	70.000,00	248.788,96
2.	KAKANJ	278.177,2	306.680,8	424.090,0	412.299,90	341.724,64	395.590,0	416.902,03	2.575.464,58
3.	OLOVO	5.500,00	5.500,00	0,00	5.500,00	0,00	19.250,00	0,00	35.750,00
4.	VISOKO	15.913,30	7.969,85	11.246,00	14.034,30	13.694,20	11.907,17	8.717,275	83.482,10
5.	VAREŠ	64.389,81	21.750,00	52.965,20	90.152,70	65.363,35	45.132,21	30.187,50	279.788,07
6.	ZAVIDOVIĆI	16.922,15	11.000,00	55.025,96	20.181,25	16.451,20	26.250,00	48.825,00	139.629,60
7.	TEŠANJ	0,00	0,00	5.000,00	0,00	0,00	0,00	0,00	5.000,00
8.	ZENICA	0,00	0,00	0,00	0,00	0,00	0,00	19.250,00	19.250,00
9.	MAGLAJ	0,00	0,00	0,00	0,00	0,00	0,00	8.468,60	8.468,60
UKUPNO		427.320,76	372.814,5	576.034,16	592.749,21	471.401,99	498.129,4	602.350,41	3.540.799,50

1.3. Projekti podržani sredstvima od koncesija od 01.01.2011. do 31.12.2011. godine

<i>r.br</i>	<i>OPĆINA</i>	<i>IZNOS</i>	<i>PROJEKTI</i>
1.	<i>Kakanj</i>	<i>461.775,61</i>	<i>-rekonstrukcija puteva -poslovne zone „Vrtlište I i II“</i>
2.	<i>Usora</i>	<i>154.754,77</i>	<i>-poslovna zona „Usora“</i>
3.	<i>Visoko</i>	<i>25.000,00</i>	<i>-Izgradnja rasvjete Šareni Hanovi</i>
4.	<i>Tešanj</i>	<i>109.827,56</i>	<i>-sanacija puteva -poslovne zone „Vila Tešanj“</i>
5.	<i>Doboj Jug</i>	<i>147.437,66</i>	<i>-poslovna zona „Matuzići“</i>

Takođe, izdvojeno je još za:

-Strategija razvoja Zeničko dobojskog kantona - 24.883,37KM;

-Strategija razvoja Zeničko-dobojskog kantona, općina Zenica - 93.600,00 KM;

Ukupno akumulirana, a neutrošena sredstva, koja su se nalazila na kontu koncesija sa 31.12.2011. godine, su iznosila 888.702,38 KM.

2.DODJELA KONCESIJA U 2012. GODINI

2.1.Dodjeljene koncesije na istraživanje i/ili eksploataciju čvrstih mineralnih resursa

R. br.	KONCESIONAR - SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1.	„H.I.H“ d.o.o. Živinice	„Karaula“ Olovo	Istraživanje i eksploatacija gabra	04-18-3036-1/12 29.03.2012. Trajanje 20. godina
2.	„Geomet“ d.o.o. Srebrenica	„Očekalj“ i „Prgoševo“	Istraživanje i eksploatacija ceruzita	04-18-15242-1/12 20.07.2012. Trajanje 25. godina
3.	„Marmex“ d.o.o. Sarajevo	„Dugandžići“	Istraživanje i eksploatacija ukrasnog krečnjaka	04-18-9044-2/12 21.06.2012. Trajanje 20. godina
4.	„Radići Kamenolom“ d.o.o. Zenica	„Radići“	Istraživanje krečnjaka	04-18-21007-1/12 22.06.2012. Trajanje 1. godina

- Poslije provedene procedure, koja je definisana Zakonom o koncesijama-Prečišćeni tekst (“Službene novine Zeničko-dobojskog kantona”, broj:5/03), te Odluke Vlade, broj:02-18-3036/12 od 02.02.2012. godine, Ministarstvo za privredu Zeničko-dobojskog kantona je potpisalo Koncesioni ugovor sa privrednim subjektom “H.I.H.” d.o.o. Živinice. Potpisivanjem Koncesionog ugovora, broj:04-18-3036-1/12 od 29.03.2012. godine, privredni subjekt “H.I.H.” je dobio prava i obaveze na istraživanje i eksploataciju mineralnog resursa gabra (ukrasni kamen) na lokalitetu Karaula, općina Olovo.

-Poslije provedene procedure, koja je definisana Zakonom o koncesijama-Prečišćeni tekst (“Službene novine Zeničko-dobojskog kantona”, broj:5/03), te Odluke Vlade, broj:02-18-9044/12 od 11.04.2012. godine, Ministarstvo za privredu Zeničko-dobojskog kantona je potpisalo Koncesioni ugovor sa privrednim subjektom “Marmex” d.o.o. Sarajevo. Potpisivanjem Koncesionog ugovora, broj:04-18-9044-2/12 od 22.06.2012. godine, privredni subjekt “Marmex” d.o.o. Sarajevo je dobio prava i obaveze na istraživanje i eksploataciju mineralnog resursa tehničko-ukrasnog kamena krečnjaka na lokalitetu Dobrun-Dugandžići, općina Olovo.

- Na osnovu Odluke Vlade Zeničko-dobojskog kantona, broj:02-18-15242/12 od 05.07.2012. godine o dodjeli koncesija za istraživanje i eksploataciju mineralnog resursa rude olova-ceruzita na lokalitetima “Očekalj” i “Prgoševo” K.O. Dolovi, u općini Olovo, Ministarstvo za privredu Zeničko-dobojskog kantona je potpisalo Koncesioni ugovor, broj: 04-18-15242-1/12 od 20.07.2012.god Trajanje Koncesionog ugovora je 25. godina.

- Shodno članu 8. Zakona o koncesijama («Službene novine Zeničko-dobojskog kantona», broj: 5/03), privredno društvo „Radići Kamenolom“ d.o.o. Zenica je podnijelo Ministarstvu za privredu Zeničko-dobojskog kantona samoinicijativni zahtjev za dodjelu koncesije za istraživanje sa mogućnošću eksploatacije mineralnog resursa-krečnjaka na lokalitetu Radići, K.O. Klopče, broj:04-18-3350/10 od 12.07.2010.godine.

Na osnovu Odluke Vlade Zeničko-dobojskog kantona, broj: 02-18-21007/11, od 11.08.2011. godine i Zaključka Općinskog vijeća Zenica, broj: 01-01-1-14952/10 od 17.09.2010. godine, privrednom subjektu “Radići Kamenolom” d.o.o. Zenica je data koncesija na istraživanje mineralnog resursa – krečnjaka, na lokalitetu “Radići”, općina Zenica. Ukupna površina istražnog prostora se nalazi na k.č.2728/1 K.O. Klopče i zauzima površinu od 4.500 m², Zemljišnoknjižni izvadak, broj:043-0-Nar-10-009211 ZK uložak: 2447, a parcela je zavedena u vlasništvu „Radići Kamenolom“ d.o.o. Zenica. Vrijednosti minimalne visine kontinuirane koncesione naknade je 0,60 KM/m³ čvrste mase kao i minimalna godišnja količina eksploatisanog krečnjaka na koji je Koncesionar dužan plaćati koncesionu naknadu je 20.000 m³ čvrste mase/godišnje. Ove količine su dobijene kao srednje vrijednosti koje plaćaju privredni subjekti na području Zeničko-dobojskog kantona koji se bave eksploatacijom krečnjaka, uzimajući u obzir površinu lokaliteta. Potpisivanjem Koncesionog ugovora, broj: 04-18-21007-1/12 od 22.06.2012. godine, privredni subjekt „Radići Kamenolom“ d.o.o. Zenica je dobio prava i obaveze na istraživanja mineralnog resursa krečnjaka na lokalitetu Radići, općina Zenica.

2.2.Koncesije koje su pred potpisivanjem ugovora

„ŽGP“ d.d. Zenica

-Zahtjevom, broj:I-4-2513 od 08.11.2006. godine, “ŽGP” d.d. Zenica obratio Ministarstvu za privredu Zeničko-dobojskog kantona za dodjelu koncesije na istraživanje i eksploataciju mineralnog resursa krečnjaka na lokalitetu “Široke Stijene” kod Zenice.

Poštujući procedure Zakona o koncesijama (“Službene novine Zeničko-dobojskog kantona”, broj:5/03), Ministarstvo za privredu je, da bi pokrenulo proceduru dodjele koncesije na naznačenom lokalitetu, tražilo dostavljanje određenih saglasnosti i mišljenja od nadležnih organa.

Ministarstvo se obratilo Načelniku općine Zenica, Zahtjevom za dostavu Stručnog mišljenja vezanog za statusno stanje prostora “Babina Rijeka” na kojem se nalazi predmetni kamenolom. Aktom, broj:06/23-8750/06 od 19.05.2006. godine od Službe za prostorno uređenje općine Zenica, dobijeno je Mišljenje da lokalitet “Babina Rijeka”stanovništvo koristi u rekreativne svrhe, te da ne bi smjelo doći do devastacije terena koje bi bilo uzrokovano eksploatacijom.

Procedura dodjele koncesije na lokalitetu “Široke Stijene” je dijelom usporena zbog zahtjeva za preispitivanje Dopune Zakona o koncesijama pred Ustavnim sudom F BiH.

Na osnovu Zaključka Vlade Zeničko-dobojskog kantona, broj: 02-18-286441/12 27.12.2012. godine, te usvajanja na Skupštini Kantona, objavljen je Zakon o dopuni Zakona o koncesijama (“Službene novine Zeničko-dobojskog kantona”, broj:3/13) kojim je iza člana 27. dodaje novi član 27.a koji glasi: “Privredna društva koja su stekla pravo eksploatacije na predmetu koncesije iz člana 2. Zakona o koncesijama (“Službene novine Zeničko-dobojskog kantona”, broj:5/03), odnosno koncesiju, po ranije važećim propisima, a pri tome je utvrđeno postojanje javnog interesa i imaju

saglasnost lokalne zajednice za predmet koncesije, imaju pravo u roku od tri mjeseca od dana stupanja na snagu ovog Zakona, resornom ministarstvu, podnijeti zahtjev za zaključenje Ugovora o koncesiji, kojim će biti regulisana sva međusobna prava i obaveze između koncesora i koncesionara, bez provođenja postupka dodjele koncesije.”ŽGP” d.o.o. Zenica je podnio zahtjev za dodjelu koncesije i trenutno je vještačenje vezano za otkopane količine mineralnog resursa krečnjaka od 2003 do 2012. godine.

-Rudnik olova, cinka i barita Vareš

-, „Rudnik olova, cinka i barita Vareš“ se nalazi u stečaju od 1991. godine, i bila su provedena tri poziva za prodaju imovine istog. Više domaćih i stranih privrednih subjekata je iskazalo interes za kupovinu preduzeća Rudnika, ali je uvijek postojalo pitanje vezano za dodjelu koncesionog prava na istraživanje i eksploataciju mineralnih resursa olova, cinka i barita na ležištima Rupice-Juraševac, Brestić u općini Vareš. Naime, zainteresirani subjekti su željeli garanciju da će imati prioritet na dodjelu koncesije ukoliko kupe preduzeće u stečaju. Važno je pomenuti Zaključak općinskog vijeća Vareš, broj:04-18-02819-1/12 od 05.06.2012. godine, kojim se daje saglasnost za dodjelu koncesije kupcu DP Rudnik olova, cinka i barita-u stečaju Vareš. Predmet koncesije je istraživanje i eksploatacija metalčnih mineralnih resursa-olova, cinka i barita na ležištima Veovača 1., Veovača 2. i Rupice-Juraševac, Brestić u općini Vareš. Ministar Ministarstva za privredu je Rješenjem broj:04-19-6297-3/12 od 19.04.2012. godine, formirao Komisiju sa zadatkom da ocijeni postojanje Javnog interesa i sprovede važećim zakonom propisanu proceduru dodjele koncesije za istraživanje i eksploataciju olova, cinka i barita na ležištima Rupice-Juraševac, Brestić u općini Vareš. Komisija koju je imenovao ministar Ministarstva za privredu je utvrdila javni interes i izvršila uvid u postupak prodaje nekretnina Rudnika, te ministru dostavila Izvještaj, broj:04-18-6297-2-1/12 od 25.06.2012. godine. Na osnovu Odluke Vlade Zeničko-dobojskog kantona, broj: 02-18-21389/12 od 28.09.2012. godine i Zaključka Općinskog vijeća Vareš, broj: 04-18-02819-1/12 od 05.06.2012.godine, Odluke stečajnog upravnika o prodaji nepokretnosti, broj:04-31-12734/12 od 06.08.2012. godine, te Geodetskog Elaborata izrađenog od strane “Metrix-Inženjering” d.o.o. Tuzla, iz decembra 2012. godine, pripremljen je Koncesioni ugovor, broj: 04-18-21389-1/13 (potpisan 12.03.2013.godine).

2.3.Koncesije u postupku

Istraživanje i eksploatacija mrkog uglja na lokalitetu “Brezove Dane” kod Maglaja.

Trenutno Ministarstvo za privredu ima zahtjev zainteresiranih privrednih subjekata za dodjelu koncesije za eksploataciju mrkog uglja na istraženom ležištu “Brezove Dane” –općina Maglaj, čija je površina istražno-eksploatacionog polja oko 150 ha i sa procjenjenim rezervama uglja sa cca 2 miliona tona.

3.KONCESIONA NAKNADA I EKSPLOATISANE KOLIČINE ČVRSTIH MINERALNIH RESURSA U 2012.GODINI

Tabela 4. Pregled eksploatisanih količina mineralnih resursa, uplaćenih koncesionih naknada i dugovanja i utuženja u 2012. godini

Privredni subjekt	Količine mineralnog resursa u 2012.god. Za naplatu (po Zapisniku Komisije)	Uplaćeno u 2012.god. (KM) (po evidenciji Ministarstva finansija)	Dug iz 2012.god. (KM) (po Zapisniku Komisije)	Ukupan dug iz predhodnog perioda (KM)	Podnesena tužba (da-ne)
1.	2.	3.	4.	5.	6.
“TVORNICA CEMENTA KAKANJ” d.d. Kakanj	182.610,50 t Greben 224.984,00 t Ribnica	326.125,60	0,00	0,00	ne
“IGM” d.d. Visoko	6.356,00 m ³ č.m.gline	0,00	0,00	0,00	ne
“BBM-VAREŠ” d.o.o. Vareš	1.407,15 m ³ r.m.spilit 17.636,39 m ³ r.m. krečnjak	43.500,00	0,00	Obaveza iz ranijeg perioda 190.00,00 po sudskoj presudi	ne
“TRGOŠPED” d.o.o. Kakanj	234.346,00 m ³ r.m.	103.788,80	23.543,60	23.543,60	ne
“MGV-GRADNJA” d.o.o. Zavidovići	73.483,47 m ³ r.m.	28.000,00	51.438,43	51.438,43	ne
“RKB-Rudnik krečnjaka Breza” d.o.o. Breza	191.054,31 m ³ r.m.	40.000,00	76.425,72	153.782,82	da
“BREZA DOM” d.o.o. Sarajevo	13.224,47 m ³ r.m. min.45.000 m ³ r.m.-	5.000,00	22.500,00	192.341,20	da
“AMINA TRADE” d.o.o. Sarajevo	0,00 m ³ r.m. min.20.000 m ³ r.m.	22.000,00	11.000,00	27.334,50	ne
“JAŠAREVIĆ KOP ” d.o.o. TEŠANJ	0,00 m ³ r.m. min.10.000 m ³ r.m.	0,00	3.500,00	54.429,80	da
“SANEX” d.o.o. Breza	8.384,04 m ³ r.m. min.20.000 m ³ r.m.	0,00	10.000,00	40.000,00	da
“E&P” d.o.o. Zavidovići	39.758 m ³ r.m. min.50.000 m ³ r.m.	65.625,00	37.500,00	9.375,00	ne
“LIBOS” d.o.o. Žepče	0,00 m ³ r.m. Min20.000 m ³ č.m.	17.000,00	17.000,00	17.000,00	ne
“DIM KAMENOLOM” d.o.o. Žepče	47.240,00 m ³ č.m.* (77.473,20 m ³ r.m.) min.21.000 m ³ č.m.*	70.753,00	38.736,70	38.736,70	ne
“CESING” d.o.o. Žepče	0,00 m ³ č.m. min.20.000 m ³ č.m.	0,00	16.000,00	67.319,60	da
“ALMY-TRANSPORT” d.o.o. Zenica	13.465,00 m ³ č.m.* min.12.000 m ³ č.m.*	18.537,40	5.655,30	5.655,30	ne
Σ	1089.568,50	740.329,80	313.299,75	680.956,95	

*proračun u rastresitoj masi (koeficijent za krečnjake i sl.stijene 1,4% , a za magmate 1,7%)

Razlika u iznosima za koje su pojedini koncesionari utuženi -prema trenutnom dugovanju (po izvještaju Komisije za utvrđivanje obaveza) je posljedica akumuliranja dugova kod pojedinih koncesionara, s druge strane pojedini koncesionari su uplatili određena sredstva pa se taj dug smanjio.

Podaci u Tabeli 4. predstavljaju zapisnički utvrđene godišnje količine eksploatisanih mineralnih resursa, uplaćenih i dugujućih koncesionih naknada na dan opservacije koncesionara od strane Komisije za utvrđivanje eksploatisanih količina čvrstih mineralnih resursa.

Kada se porede podaci za 2011.godinu i 2012. godinu, može se vidjeti da su pojedini privredni subjekti, sa kojima je Ministarstvo za privredu potpisalo koncesioni ugovor, eksploitali manje resursa u 2012. godini nego u predhodnoj, a pojedini privredni subjekti nikako nisu eksploitali mineralne resurse. Kada se položajno posmatra lokacija privrednih subjekta koji su malo smanjili eksploaticiju, zapaža se da su oni locirani bliže trasi autoputa koridora V-c na dijelu koji prolazi kroz naš Kanton, kao i bliže većim privrednim centrima u kojima postoji privredna aktivnost,(„Trgošped“ d.o.o. Kakanj,“Cementara Kakanj“), a nikako nisu eksploitali privredni subjekti koji su dalje od ove trase i većih privrednih centara “Bosnaputevi“ d.d. Sarajevo (sada „Amina-Trade“ d.o.o. Sarajevo), „Breza Dom“ d.o.o Sarajevo, „Jašarević Kop“ d.o.o. Tešanj). Takođe, došlo je do diferencijacije u kvalitetu mineralnog resursa, tako da se mnogo više upotrebljavao kvalitetniji kamen u odnosu na lošije kvalitetne stijene.

Što se tiče uplata koncesione naknade privrednih subjekta u 2012. godini, recesija i slaba potražnja mineralnih resursa se odrazila na privredne subjekte i mogućnost izmirivanja ovih obaveze. Takođe, kada se zna trenutna situacija u Bosni i Hercegovini vezano za novčane tokove, u direktnom kontaktu sa uposlenicima u privrednim subjektima, evidentna je i slaba naplativost prodatih količina mineralnih resursa privrednih subjekata koji su uspjeli naći tržište za svoje resurse.

Međutim, očekuje se intenziviranje izgradnje autoputa koridora V-c kroz područje Zeničko-dobojskog kantona, a time i aktiviranje kamenoloma, što bi se značajno odrazilo i na plaćanje koncesione naknade i upošljavanje nove radne snage.Takođe, potpisani novi koncesioni ugovori,a naročito ugovor o istraživanjima i eksploataciji ceruzita u rudniku Olovo, je svakako perspektiva kako za lokalnu zajednicu i općinu Olovo tako i cijeli Zeničko-dobojski kanton. Kako se radi o velikom projektu sa upošljavanjem velikog broja kvalifikovane radne snage, oživljavanje privrede općina Olovo te se očekuju i dosta velike koncesione naknade što bi trebalo u konačnici da rezultira razvojem Kantona.

Sve ovo bi trebalo pozitivno da se odrazi na ukupnu ekonomsku sliku privrede Zeničko-dobojskog kantona.

Kod rada Komisije koja vrši utvrđivanje eksploatisanih količina mineralnih resursa, kao jedan od parametara za utvrđivanje eksploatisanih količina mineralnih resursa korišteni su podaci premjera koje je radilo privredno društvo „Geo Map“ –Prijedor, koje je angažovalo Ministarstvo putem Konkurentskog zahtjeva.

4. PRIHODI OSTVARENI OD KONCESIONIH NAKNADA U 2012. GODINI

Ukupni prihodi po osnovu koncesione naknade za eksploataciju mineralnih resursa u 2012. godine su 1.414.989,15 KM;

kontinuirana koncesiona naknada

- „Tvornica cementa Kakanj“ d.d. Kakanj je uplatila 326.125,60 KM,
- „Trgošped“ d.o.o. Kakanj je uplatio 103.788,80 KM,
- „BBM-Vareš“ d.o.o. Vareš je uplatio ukupno 43.500,00 KM naknada u 2012. godini +190.000,00 KM duga iz ranijeg perioda (*uplata 03.04.2013.god*),
- „Tehnološki Centar E&P – Zavidovići je uplatio ukupno 65.625,00 KM,
- „RKB-Rudnik krečnjaka Breza“ – Breza je uplatio ukupno 40.000,00 KM,
- “Breza Dom” d.d. Sarajevo je uplatio ukupno 5.000,00 KM,
- „MGV Gradnja – Zavidovići je uplatio ukupno 28.000,00 KM,
- “Dim Kamenolom” d.o.o. Žepče ukupno uplatio 70.753,00 KM,

-“Amin-Trade” d.o.o.Sarajevo (nekadašnji “Bosnaputevi” d.d Sarajevo) je ukupno uplatila 22.000,00 KM,

jednokratna koncesiona naknada

- “H.I.H.” d.o.o. Živice je uplatio ukupno 16.500,00 KM,
- “Geomet” d.o.o. Srebrenica je ukupno uplatila 503.737,65 KM
- “Marmex” d.o.o. Sarajevo je ukupno uplatio 29.900,00 KM

Ostali koncesionari nisu plaćali kontinuirnu koncesionu naknadu u 2012. godini.

Shodno važećoj Odluci Vlade, broj: 02-14-27967/09 od 28.10.2009. godine (“Službene novine Zeničko-dobojskog kantona”, broj:17/09), o načinu rasporeda sredstava od koncesija, 70% ukupnog iznosa prikupljenih sredstava po ovom osnovu je vraćeno općinama na čijoj teritoriji se vrši eksploatacija, odnosno ukupno je vraćeno 530.889,87 KM (a ostalo vraćeno u 2013. godini).

5.RASHODI IZ KONCESIONIH NAKANADA U 2012. GODINI

5.1.Odobreni projekti

U nastavku ove Informacije dat je pregled realizacije Zaključka o izmjenama Zaključka Programa utroška budžetskih sredstava od koncesija u 2012.godine, broj:02-14-4029/13 od 14.02.2013. godine.

Tabela5 .Pregled odobrenih projekta za 2012. godinu

R.b.	Naziv programa	Iznos odobrenih sredstva /KM/
1.	Sufinansiranje uspostavljanja industrijskih/poslovnih zona	300.000,00
2.	Zahtjevi lokalnih zajednica	140.000,00
3.	Provođenje postupka nadzora i realizacije koncesionih ugovora	60.000,00
4.	Sufinansiranje izgradnje hidrotehničkih objekata za izmještanje rijeke Ribnice u općini Kakanj	150.000,00
UKUPNO		650.000,00 KM

5.2.Realizirani projekti

- Komisiji za izradu, praćenje i kontrolu eksploatisanih količina mineralnih resursa Zeničko-dobojskog kantona je za 2012. godine isplaćeno 6.006,70 KM.
- Odlukom Vlade, broj:02-14-28255/12 od 31.12.2012. godine odobrena su finansijska sredstava za nabavku i ugradnju montažnih drvenih objekata i izgradnju ulaznog objekta prema tunelu Ravne općina Visoko Fondaciji Arheološki park “Bosanska piramida sunca Sarajevo” u iznosu do 29.969,46 KM.
- Odlukom Vlade, broj: 02-14-28256/12 od 31.12.2012. godine odobrena su finansijska sredstava za sufinansiranje projekta izgradnje javne rasvjete u naselju Šareni Hanovi, općina Visoko u iznosu do 45.000,00 KM.

- Poslovne zone po općinama Kantona isplaćeno 399.236,56 KM

POSLOVNE ZONE ZENIČKO-DOBOJSKOG KANTONA

-Poslovana zona Žepče (faza I) 129.920,00 KM

-Poslovana zona Žepče (faza II) 150.000,00 KM

-Poslovana zona Zavidovići 119.316,56 KM

5.3. Alocirana sredstvima od koncesija prema općinama u 2012. godini

Tabela 6. Pregled realiziranih projekata Vlade koji se finansiraju iz prihoda od koncesija za 2012. godinu

Red. br.	Naziv projekta	Odobreno
1.	Poslovne zone po općinama Kantona	399.236,56
2.	Izgradnja javne rasvjete u naselju Šareni Hanovi, općina Visoko	45.000,00
3.	Nabavka i ugradnja montažnih drvenih kućica ulaznog objekta prema tunelu Ravne –općina Visoko	29.969,46
4.	Komisije za izradu, praćenje i kontrolu eksploatisanih količina mineralnih resursa, provođenje postupka dodjele koncesije	10.955,33
UKUPNO:		485.161,35

Prema dostavljenim izvještajima općina Kantona, sredstva od koncesionih naknada u općinama realizirana su prema prioritetima svake općine, tako da su pojedine općine vršile sanaciju puteva, druge izgradnju infrastrukturnih objekata, izgradnju vodovoda, rasvjete, omladinskih igrališta, izradu projektne dokumentacije za klizišta, izradu potpornih zidova zaštite od klizišta i td...

Prema podacima Ministarstva finansija Zeničko-dobojskog kantona u periodu od 01.01.2012. godine do 31.12.2012. godine, odnosno u budžetskoj 2012. godini, ukupno prikupljena sredstva i rashodi sa alokacijom sredstava prema općinama su sublimirani u tabelama 7. i 8.

Tabela 7. Prihodi i rashodi od koncesija u 2012. godine

1.	PRIHODI /KM/		2012.
			1.414.989,15
2.	RASHODI /KM/	OPĆINE	530.889,87
		ZE-DO KANTON	884.099,30

Dio prikupljenih sredstva od koncesionih naknada koji je prikazan u tabeli 7. je alociran prema općinama u 2013. godini.

*Tabela 8 . Alocirana sredstva prema općinama
u 2012. godini*

Redni broj.	OPĆINE	2012.
1.	BREZA	31.500,00
2.	KAKANJ	305.995,27
3.	OLOVO	47.880,00
4.	VAREŠ	30.450,00
5.	VISOKO	0,00
6.	ZAVIDOVIĆI	65.537,50
7.	ŽEPČE	49.527,10
UKUPNO:		530.889,87 KM

6.REZIME

Analizirajući naprijed navedene podatke o privrednim kretanjima na području koje obuhvata Zeničko-dobojski kanton, a vezano za koncesije, može se zaključiti da je ekonomska kriza koja je pogodila gotovo cijeli svijet imala vrlo negativne reperkusije i refleksiju na privredu Zeničko-dobojskog kantona. Kada se ovo kaže, onda se prije svega misli na probleme koje ima bazna industrija kao vrlo bitan segment privrede našeg Kantona. Međutim, nastavak izgradnje koridora V-c, čija trasa ide kroz područje Zeničko-dobojskog kantona, rezultiralo je blago povećanom aktivnosti privrednih subjekta, ali sa tendencijom smanjenja eksploatisanih količina u odnosu na ranije godine. Nastavak izgradnje koridora V-c, kroz Zeničko-dobojski kanton, će rezultirati značajnijim potrebama čvrstih mineralnih resursa. Takođe, više privrednih subjekta koji vrše eksploataciju magmatskih stijena tipa dijabaz, spilit, gabro je pred potpisivanje ugovora sa stranim partnerima- što bi dalo dodatnu injekciju sredstava u oživljavanje privrednih tokova našeg Kantona.

U 2012.godini, prema podacima Ministarstva finansija uplaćeno je 1.414.989,15 KM.

Od uplaćenih sredstava je alocirano 70% prihoda u općine Kantona na čijim teritorija se vrši eksploatacija. Rezultat ovog alociranja je implementacija više projekata koji direktno ili indirektno utiču na kvalitet i standard života stanovnika Kantona.

7.ZAKLJUČAK

Sublimirajući i upoređujući podatke predhodnih godina sa podacima u 2011. godini, može se zaključiti sljedeće:

-Nastavljen trend da privredni subjekti, sa potpisanim koncesionim ugovorom, koji nisu eksploatisali mineralni resurs u 2011. godini nisu vršili eksploataciju čvrstih mineralnih resursa ni u 2012. godini;

-Uplate koncesione naknade privrednih subjekta za 2012. godinu su povećane u odnosu na predhodnu godinu; (u 2011. godini uplaćeno 863.359,13 KM, a u 2012. godini 1.414.989,15 KM), što je posljedica plaćanja utuženih privrednih subjekata, izmirivanja dijela dugova iz ranijih godina kao i novih potpisanih koncesionih ugovora te uplata jednokratnih koncesionih naknada („Geomet“, „Marmex“, „H.I.H“ Živinice);

-Nastavak izgradnje trase koridora V-c kroz područje Zeničko-dobojskog kantona trebalo bi da da promjene trenda u pozitivnom smjeru vezanom za privredna kretanja našeg Kantona.

M I N I S T A R

Đemil Ugarak